



Ulloq 8. agusti - 2024

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imattoq matumuuna saqqummiuppara.

Naalakkersuisunut apeqqutit:

### **KIGUTITIGUT PEQQISSUUNEQ**

Naalakkersuisut apeqquteqarfigerusuppakka, kigutitigut peqqissuunissamut tunngatillugu pissutsit ersarissaatigeqquallugit, aamma nuna tamakkerlugu kigutigissuunerup siuarsarnissaanik pilersaaruteqarnersut, tamannalu qanoq ingerlatissamaarneraat.

- 1. Nunarput tamakkerlugu kigutilerisutut atorfiiq qassiuppat?**
  - a. Kigutigissuunissap naammaginannginneranut iluarsiiniarnermi atorfiiq naammappat?
  - b. Atorfiiq sumi inissismappat?
  - c. Inoqarfinni ataasiakkaani kigutilerisutut atorfiiq qassit aalajangersimasumik inuttaqarpat, qassillu taartaasunik inuttaqarpat?
  - d. Illoqarfiiq/nunaqarfiiq sorliit kigutilerisutut atorfefarfiunngillat?
  - e. Illoqarfiiq ataasiakkaat ullumikkut kigutilerisoqanngitsut, qanoq sivisutigisumik aalajangersimasumik kigutilerisoqarsimanngillat?
- 2. Nunatsinni kigutileriviit namminersortut qassiuppat?**
- 3. Ilisimaneqarpa, Nunatsinni innuttaasut qassit, nammineq akilerlugu nunani allani kigutileritittarnersut?**
- 4. Naalakkersuisut pilersaaruteqarpat, imaluunniit soqtiginnippat misissussallugu, innuttaasut Nunatsinni nunanilu allani, nammineerlutik akilikkaminik kigutileritissimasut, aningaasartuutaasa ilaannik pisortat matuseqataasarsinnaanerannik?**

(Inatsisartuni ilaasortaq, Lars Poulsen, Siumut)

**Toqqammavilersuut:**

Kigutigissuuneq innuttaasut peqqissusaannut annertuumik pingaaruteqarpoq. Inoqarfinni tamani meeqqat atuartut minnerpaamik ataasiarlutik kigutilerisumit misissorneqartariaqarput, innuttaasullu tamarmik kigutileritinnissaminut periarfissaqartariaqarput. Tamanna periarfissaangippat, sooq periarfissaannginnersoq nassuarneqartariaqarpoq ajornartorsiullu saqquminerulersinneqartariaqarpoq, soorlu innuttaasut peqqissuunissaannut tunngassuteqartut allat tamaasa saqqumilaartinniarneqartartut. Kigutiluttuunerup meeqqamut, inuuusuttuaqqamut innuttaasullu sinnerinut qanoq sunniuteqarpa, imminut tatileeq, imminut naleqartinneq, inuunerissaarlunilu inuiaqatigiinnullu akuunissamut atatillugu?



Nunatsinni innuttaasoq, assersuutigalugu kigutini narlorsartinniarlugin, kigutaasamilluunniit ikkussivigitinniarluni (implant), nammineerluni akilikkaminik Nunatsinni kigutilerisumut namminersortumut, imaluunnit nammineerluni akilikkaminik angalluni nunani allani kigutilerisumut suliaritinnerminut, aningaasartuutimi ilaanik pisortanit tapiiffigineqarsinnaalertariaqarpoq. Tamatumani uppernarsaatnik piumasaqaateqartoqarsinnaavoq, assersuutigalugu aningaasartuutigisimasai aamma suliarineqarnera Nunatsinni peqqinnissaqarfimmut noqqaassutigisaraluarlugu isumagineqarsinnaasimanngippat.

Apeqquutigineqartut ullut suliffiusut qulit iluanni akeqquneqarput.